




Broj: 02-50-6-16-12/23

Sarajevo, 28. 12. 2023.



ZAPISNIK

12. sjednice Doma naroda

Parlamentarne skupštine Bosne i Hercegovine,  
održane 28. 12. 2023.

PRIMLIENO: 24-01-2024			
Organizacione jedinice	Klasifikaciona oznaka	Redni broj	Broj priloga

Sjednica je počela u 11 sati.

Sjednicom je predsjedavao Kemal Ademović, predsjedavajući Doma naroda Parlamentarne skupštine BiH.

Sjednici je prisustvovalo 14 delegata. Delegat Želimir Nešković opravdao je odsustvo sa sjednice.

Osim delegata, sjednici Doma naroda prisustvovali su predsjedavajuća Vijeća ministara BiH i članovi Vijeća ministara BiH.

Prije početka sjednice predsjedavajući je izvijestio delegate da je Kolegij Doma naroda, radeći kao komisija na osnovu člana 75. stav (3) i člana 76. stav (2) Poslovnika Doma naroda, postigao saglasnost o Prijedlogu zakona o izmjenama Zakona o osnovama sigurnosti saobraćaja na putevima u BiH (drugo čitanje), predlagač: Predstavnički dom, broj: 02-02-1-945/23 od 7. 7. 2023, i o Prijedlogu zakona o izmjeni Zakona o radu u institucijama Bosne i Hercegovine (drugo čitanje), predlagač: Predstavnički dom, broj: 02-02-1-701/23 od 26. 7. 2023, čime se predmetni prijedlozi zakona smatraju usvojenim u drugom čitanju.

Predsjedavajući je konstatirao da su, u skladu s članom 156. stav (1) Poslovnika, najave za postavljanje delegatskih pitanja u usmenoj formi dostavili sljedeći delegati:

- delegat Sredoje Nović - pitanje je upućeno predsjedavajućoj Vijeća ministara BiH;
- delegat Dženan Đonlagić - pitanje je upućeno ministru finansija i trezora BiH;
- delegat Džemal Smajić - pitanje je upućeno predsjedavajućoj Vijeća ministara BiH;
- delegatkinja Marina Pendeš - pitanje je upućeno ministru vanjske trgovine i ekonomskih odnosa BiH;

- **delegat Zlatko Miletić** - pitanje je upućeno predsjedavajućoj Vijeća ministara BiH.

Pitanje **Sredoja Novića** upućeno je predsjedavajućoj Vijeća ministara BiH i glasi:“

– Da li ste kao predsjedavajuća Vijeća ministara BiH i Izvršnog obavještajnog odbora procjenjivali koje su posljedice hapšenja predsjednika Suda BiH Ranka Debeveca i bivšeg direktora Obavještajno-bezbjednosne agencije BiH Osmana Mehmedagića na pravosudni sistem BiH? Da li ste tražili od Obavještajno-bezbjednosne agencije BiH hoće li dalje operativno sagledavati do kog nivoa je bio uticaj Obavještajno-bezbjednosne službe na djelovanje pravosudnog sistema u BiH? Ovih dana smo informisani od glavnog tužioca BiH Milanka Kajganića da su predsjednik Suda gospodin Ranko Debevec i bivši direktor Obavještajno-bezbjednosne gospodin Osman Mehmedagić uhapšeni, da im je određen pritvor zbog nezakonitog prisluškivanja sudija Suda BiH i zaposlenih u Tužilaštvu BiH koji su radili u određenim istragama i predmetima. Postavlja se pitanje na koliko predmeta su imali uticaj i na koliko sudija i tužilaca, posebno osoblja ovih institucija?

Delegat Sredoje Nović dobio je usmeni odgovor na sjednici Doma naroda od predsjedavajuće Vijeća ministara BiH Borjane Krišto. Delegat je prokomentirao dobiveni odgovor.

**Pitanje delegata Dženana Đonlagića** upućeno ministru finansija i trezora BiH glasi:

„ Da li će Zakon o budžetu institucija BiH i međunarodnih obaveza za 2024. godinu biti usvojen i objavljen u ‘‘Službenom glasniku BiH’’ do 31. decembra 2023. kako je propisano Zakonom o finansiranju institucija BiH? “

Delegat nije dobio odgovor na sjednici te je zatražio dostavljanje odgovora u pisanoj formi.

**Pitanje delegata Džemala Smajića** upućeno predsjedavajućoj Vijeća ministara BiH glasi:

„Moje današnje pitanje bilo bi – Zbog čega Vijeće ministara BiH imenuje rukovodioce u institucijama BiH na osnovu paritetne nacionalne zastupljenosti konstitutivnih naroda iako je to u suprotnosti sa Ustavom i zakonima BiH? “

Obrazloženje: Imenovanja rukovodilaca institucija BiH kao što su direktori, zamjenici, generalni sekretari i drugi koji se imenuju na mandat odlukama Vijeća ministara BiH u 2023. godini realiziraju se u skladu s paritetnom zastupljenošću konstitutivnih naroda što je u suprotnosti sa Ustavom i zakonima BiH. Ustav BiH u članu 9. Opšte odredbe 3. utvrdio je da funkcioneri imenovani na položaju u institucijama BiH u pravilu održavaju sastav naroda BiH. Također, činjenica je da zakon BiH koji se odnosi na imenovanja propisuje da nacionalna zastupljenost imenovanih rukovodilaca mora biti u skladu s nacionalnom strukturom stanovništva. Prema posljednjem popisu stanovništva u BiH, a prema popisu iz 2013. godine u BiH ima 15,43% Hrvata, 30,78% Srba i 50,11% Bošnjaka, 2,91% ostalih i 0,77% onih koji se nisu nacionalno izjasnili.

Navest ću samo neke od institucija čije je rukovodioce u skladu s paritetnom zastupljenošću konstitutivnih naroda u ovoj godini imenovalo Vijeće ministara BiH. Krenut ćemo: Uprava za indirektno oporezivanje, Institut za intelektualno vlasništvo, Direkcija za ekonomsko planiranje, Regulatorni odbor Željeznica, Agencija za antidopinšku kontrolu, Institut za standardizaciju, Institut za mjeriteljstvo, Agencija za policijsku podršku, Agencija za državnu službu itd., Direkcija za evropske integracije. Naglašavam da su rukovodioci svih ovih institucija morali biti imenovani u skladu s nacionalnom strukturom stanovništva prema posljednjem popisu stanovništva u BiH na način da se imenuje 50% Bošnjaka, 31% Srba i 15% Hrvata i 4% ostalih. Nažalost, ministri Bošnjaci protivno Ustavu i zakonima BiH pristali su na nemoralnu političku trgovinu da rukovodilaca Bošnjaka, Srba i Hrvata ima jednak broj, a Zakonom je utvrđeno da omjer mora biti naprimjer od 20 rukovodećih mjesta, 10 mjesta pripada Bošnjacima, 6 mjesta pripada Hrvatima i jedno mjesto ostalim.

Delegat Džemal Smajić dobio je usmeni odgovor na sjednici Doma naroda od predsjedavajuće Vijeća ministara BiH Borjane Krišto. Delegat je prokomentirao dobiveni odgovor i zatražio dostavljanje odgovora u pisanoj formi.

**Pitanje delegatkinje Marina Pendeš** upućeno ministru vanjske trgovine i ekonomskih odnosa BiH glasi:

„Molim vas da mi odgovorite na pitanje da li je u funkciji DARE program? Ako nije, šta ste poduzeli da se stavi u funkciju?“

Delegatkinja je dobila usmeni odgovor na sjednici Doma naroda od ministra vanjske trgovine i ekonomskih odnosa BiH Staše Košarca i istakla da je zadovoljna dobivenim odgovorom.

**Pitanje delegata Zlatka Miletića** upućeno predsjedavajućoj Vijeća ministara BiH glasi:

„Moje pitanje ovom prilikom se odnosi na oblast ili nadležnost o kojoj je govorio gospodin Nović, a naime radi se o sljedećem. Polovinom jedanaestog mjeseca 2023. godine u domaćim i regionalnim medijima, a prvenstveno u Republici Srbiji i Republici Crnoj Gori, pojavile su se informacije u vezi s navodnim, naglašavam navodnim, znači ne tvrdim, potpisivanjem Deklaracije Pokreta za ujedinjenje srpskih zemalja dana 16. na 17.11.2023. od strane predsjednika skupština Republike Srbije, Republike Crne Gore i Republike Srpske o čemu se zvanično nije očitovala niti jedna institucija BiH. S tim u vezi, a na osnovu Zakona o Obavještajno-sigurnosnoj agenciji, „Službeni glasnik BiH“, 12, 20, 56, 50 i 12 od 2004. do 2009. godine nadležnosti Izvršnog odbora Vijeća ministara BiH, postavljam pitanje Izvršnom odboru Vijeća ministara BiH.

Da li je tačna informacija da je predsjednik skupštine entiteta Republika Srpska Nenad Stevandić potpisao predmetnu Deklaraciju?

I drugo pitanje, ako jeste, da li će nadležne institucije BiH poduzeti mjere, imajući u vidu posebno alineje 3) i 8) ove deklaracije, da imenovanog prijave Tužiteljstvu BiH zbog počinjenja kaznenog djela napada na ustavni poredak član/članak 156. stav (1) ugrožavanje teritorijalne cjeline i član/članak 157. stav (1), a u vezi sa osnivanjem udruženja za učinjenje navedenih kaznenih djela član ili članak 170. stav (1)?

Citirat ću, s obzirom na to da ja imam tu deklaraciju kod sebe, da vam pročitam da vidite o čemu se radi. U tački 3. se kaže – Cilj Pokreta je da svojim djelovanjem na političkom, društvenom, prosvjetnom, kulturnom i drugim društvenim poljima afirmira i uspostavi što čvršće povezivanje i integraciju pripadnika srpskog naroda na prostorima Republike Srbije, Republike Srpske i Crne Gore, što je, po meni ok. Međutim, stoji ovdje zarez, dakle integraciju ovih teritorija u jednu zajedničku državnu cjelinu.

Delegatsko pitanje po funkciji postavljam predsjedavajućoj Vijeća ministara BiH, s obzirom na to da je ujedno gospođa i predsjedavajuća Izvršnog odbora, ako može usmeno, ako ne, očekujem odgovor u pisanoj formi.

Delegat je dobio usmeni odgovor na sjednici Doma naroda od predsjedavajuće Vijeća ministara BiH Borjane Krišto i istakao da je zadovoljan dobivenim odgovorom.

Predsjedavajući je konstatirao da je delegat Zlatko Miletić dobio odgovore na pitanje postavljeno na 10. sjednici, te dva odgovora na pitanje postavljeno na 11. sjednici Doma naroda, a Ilija Cvitanović dobio je odgovor u pisanoj formi na pitanja postavljena na 10. sjednici Doma naroda.

Delegat Zlatko Miletić istakao je da je djelimično zadovoljan dobivenim odgovorom. Također je istakao da očekuje odgovore po ovom pitanju od Ministarstva odbrane BiH i Ministarstva vanjskih poslova BiH.

Delegat Ilija Cvitanović prokomentirao je dobiveni odgovor.

Delegatkinja Snježana Novaković-Buršać obavijestila je Dom da nije dobila odgovor u roku predviđenom Poslovníkom na pitanje postavljeno na 11. sjednici Doma naroda ministrici civilnih poslova BiH, te zatražila njegovo dostavljanje.

Predsjedavajući je potom konstatirao da je za današnju sjednicu predložen sljedeći izmijenjeni

## DNEVNI RED

1. Usvajanje Zapisnika 11. sjednice Doma naroda Parlamentarne skupštine BiH;
2. Izvještaj komisije Kolegija o nastojanju za postizanje saglasnosti o Izvještaju o radu Pravobranilaštva Bosne i Hercegovine za 2022. godinu, broj: 01,02-50-18-1986/23 od 1. 12. 2023;
3. Izvještaj – Praćenje realizacije preporuka revizije učinka „Upravljanje procesom realizacije ugovora o javnim nabavkama u institucijama Bosne i Hercegovine“, podnosilac: Ured za reviziju institucija BiH, broj: 01,02-16-10-2067/23 od 26. 9. 2023;
4. Izvještaj o provedenoj reviziji učinka o temi:”Aktivnosti institucija BiH na pripremi i nadzoru nad provođenjem planova integriteta”, podnosilac: Ured za reviziju institucija BiH, broj: 02-16-10-2179/22 od 26. 12. 2022;
5. Izvještaj o provođenju zakona iz nadležnosti Centralne izborne komisije Bosne i Hercegovine u 2022. godini, podnosilac: Centralna izborna komisija BiH, broj: 01,02-50-18-2408/23 od 17.11.2023;
6. Izvještaj o provođenju Općih izbora 2022, podnosilac: Centralna izborna komisija BiH, broj:01,02-50-18-2409/23 od 17.11.2023;
7. Izbor tri člana Upravnog odbora Agencije za razvoj visokog obrazovanja i osiguranje kvaliteta i izbor jednog člana koji će preuzeti dužnost umjesto razriješenog člana Upravnog odbora, materijal Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, broj: 01,02-34-1-2428/23 od 21.11.2023;
8. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisnog odbora za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čija je potpisnica BiH ili drugi sud u skladu sa zakonom BiH, broj: 01,02-34-1-2607/23 od 13. 12. 2023;
9. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog

- predstavnik akademске zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-34-1-2609/23 od 14. 12. 2023;
10. Davanje saglasnosti za ratifikaciju Međunarodnog sporazuma između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u programu Unije pod nazivom Program jedinstvenog tržišta, broj: 01,02-21-1-2365/23 od 13. 11. 2023;
  11. Davanje saglasnosti za ratifikaciju Ugovora o grantu (Projekat Koridor 5c u Republici Srpskoj – Projekat obilaznica Doboj - Poddionica: Rudanka - Putnikovo Brdo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2449/23 od 24. 11. 2023;
  12. Davanje saglasnosti za ratifikaciju Ugovora o grantu (Projekat Koridor 5c u Federaciji BiH– Projekat obilaznica Doboj - Poddionica: Putnikovo Brdo - Medakovo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2561/23 od 11. 12. 2023;
  13. Davanje saglasnosti za ratifikaciju Sporazuma o zajmu (Programski zajam za razvojnu politiku zdravstvenih sektora u Bosni i Hercegovini) između Bosne i Hercegovine i Međunarodne banke za obnovu i razvoj (zajam broj: 94950-BA), broj: 01,02-21-1-2560/23 od 11. 12. 2023;
  14. Davanje saglasnosti za ratifikaciju Ugovora o finansiranju (Evropski fond za održivi razvoj – EFSD – Namjenski investicioni okvir 1) između Bosne i Hercegovine i Evropske investicione banke, Projekat: Vjetroelektrana Vlašić (FI No 91.812 – SERAPIS 2019-0843) , broj: 01,02-21-1-2575/23 od 12. 12. 2023;
  15. Davanje saglasnosti za ratifikaciju Amandmana broj 4 na Ugovor o finansiranju zaključen između Bosne i Hercegovine (zajmoprimac), Republike Srpske (entitet) i Evropske investicione banke (banka) dana 22. septembra 2010. s naknadnim povremenim izmjenama (FI 25.741 – SERAPIS 2008-0556) - Vodovod i kanalizacija u Republici Srpskoj, broj: 01,02-21-1-2576/22, od 12. 12. 2023;
  16. Davanje saglasnosti za ratifikaciju Amandmana na Sporazum o zajmu (Dodatno finansiranje za projekat registracije nekretnina) između Bosne i Hercegovine i Međunarodne banke za obnovu i razvoj (kredit br. 9048-BA), broj: 01,02-21-1-2577/23 od 12. 12. 2023;

17. Davanje saglasnosti za ratifikaciju Amandmana na Sporazum o zajmu između Bosne i Hercegovine (zajmoprimac) i Međunarodne banke za obnovu i razvoj (banka) – Projekat restrukturiranja željeznica Republike Srpske – zajam br. 8808-BA, broj: 01,02-21-1-2578/23 od 12. 12. 2023;
18. Davanje saglasnosti za ratifikaciju Sporazuma o zajmu (Projekat unapređenja kvaliteta zraka) između Bosne i Hercegovine i Međunarodne banke za obnovu i razvoj, broj: 01,02-21-1-2629/23 od 15. 12. 2023;
19. Davanje saglasnosti za ratifikaciju Sporazuma o finansiranju Programa aktivnosti prekogranične saradnje Bosna i Hercegovina – Crna Gora za period 2021 – 2027. godina između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Vlade Crne Gore, koju predstavlja Kancelarija za evropske integracije, broj: 01,02-21-1-2640/23 od 18. 12. 2023.;
20. Davanje saglasnosti za ratifikaciju Sporazuma o finansiranju Programa aktivnosti prekogranične saradnje Bosna i Hercegovina - Srbija za period 2021-2027. godina između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Vlade Republike Srbije, koju predstavlja Ministarstvo za evropske integracije, broj: 01,02-21-1-2644/23 od 19. 12. 2023.

Predsjedavajući je otvorio raspravu o dnevnom redu sjednice.

U raspravi povodom dnevnog reda sjednice učestvovali su delegati Zlatko Miletić i Šefik Džaferović.

#### **Ad.1. Usvajanje Zapisnika 11. sjednice Doma naroda Parlamentarne skupštine BiH**

Predsjedavajući Doma naroda otvorio je raspravu o ovoj tački dnevnoga reda.

Nije bilo delegata prijavljenih za raspravu.

Dom naroda je (prisutno 13 delegata), jednoglasno (iz Federacije BiH devet „za“, iz Republike Srpske četiri „za“), usvojio Zapisnik 11. sjednice Doma naroda Parlamentarne skupštine BiH.

**Ad.2. Izvještaj komisije Kolegija o nastojanju za postizanje saglasnosti o Izvještaju o radu Pravobranilaštva Bosne i Hercegovine za 2022. godinu, broj: 01,02-50-18-1986/23 od 1. 12. 2023.**

Predsjedavajući Doma naroda otvorio je raspravu o ovoj tački dnevnog reda.

Nije bilo delegata prijavljenih za raspravu.

Dom naroda je u drugom krugu glasanja (prisutno 13 delegata), s 9 glasova „za“, 3 glasa „protiv“ i jednim glasom „suzdržan“ (iz Federacije BiH devet „za“ i jedan „suzdržan“, iz Republike Srpske tri „protiv“), usvojio Izvještaj o radu Pravobranilaštva Bosne i Hercegovine za 2022. godinu.

**Ad. 3. Izvještaj: Praćenje realizacije preporuka revizije učinka „Upravljanje procesom realizacije ugovora o javnim nabavkama u institucijama Bosne i Hercegovine“, podnosilac: Ured za reviziju institucija BiH, broj: 01,02-16-10-2067/23 od 26. 9. 2023.**

Predsjedavajući Doma naroda otvorio je raspravu o ovoj tački dnevnog reda.

Nije bilo delegata prijavljenih za raspravu.

Dom naroda je (prisutno 13 delegata), jednoglasno (iz Federacije BiH deset „za“, iz Republike Srpske tri „za“), usvojio Izvještaj: Praćenje realizacije preporuka revizije učinka „Upravljanje procesom realizacije ugovora o javnim nabavkama u institucijama Bosne i Hercegovine“.

**Ad.4. Izvještaj o provedenoj reviziji učinka o temi: „Aktivnosti institucija BiH na pripremi i nadzoru nad provođenjem planova integriteta“, podnosilac: Ured za reviziju institucija BiH, broj: 02-16-10-2179/22 od 26. 12. 2022.**

Predsjedavajući Doma naroda otvorio je raspravu o ovoj tački dnevnog reda.

Diskutirao je Džemal Smajić.



Dom naroda je (prisutno 13 delegata), jednoglasno (iz Federacije BiH deset „za“, iz Republike Srpske tri „za“), usvojio Izvještaj o provedenoj reviziji učinka o temi: „Aktivnosti institucija BiH na pripremi i nadzoru nad provođenjem planova integriteta“.

**Ad.5. Izvještaj o provođenju zakona iz nadležnosti Centralne izborne komisije Bosne i Hercegovine u 2022. godini, podnosilac: Centralna izborna komisija BiH, broj: 01,02-50-18-2408/23 od 17. 11. 2023.**

Predsjedavajući Doma naroda otvorio je raspravu o ovoj tački dnevnog reda.

U raspravi su učestvovali: Sredoje Nović, Snježana Novaković-Bursać, Džemal Smajić, Dženan Đonlagić, Šefik Džaferović, Dragan Čović, Radovan Kovačević, Marina Pendeš, Zlatko Miletić, Ilija Cvitanović, Zdenko Čosić i Safet Softić.

Dom naroda (prisutno 14 delegata), s 5 glasova „za“, 8 glasova „protiv“ i jednim glasom „suzdržan“ (iz Federacije BiH pet „za“, četiri „protiv“ i jedan „suzdržan“, iz Republike Srpske četiri „protiv“), nije usvojio Izvještaj o provođenju zakona iz nadležnosti Centralne izborne komisije Bosne i Hercegovine u 2022. godini.

**Ad.6. Izvještaj o provođenju Općih izbora 2022. godine, podnosilac: Centralna izborna komisija BiH, broj: 01,02-50-18-2409/23 od 17. 11. 2023.**

Predsjedavajući Doma naroda otvorio je raspravu o ovoj tački dnevnog reda.

Diskutirao je Suad Arnautović.

Dom naroda (prisutno 14 delegata), s 5 glasova „za“, 8 glasova „protiv“ i jednim glasom „suzdržan“ (iz Federacije BiH pet „za“, četiri „protiv“ i jedan „suzdržan“, iz Republike Srpske četiri „protiv“), nije usvojio Izvještaj o provođenju Općih izbora 2022. godine, podnosilac: Centralna izborna komisija BiH.

**Ad.7. Izbor tri člana Upravnog odbora Agencije za razvoj visokog obrazovanja i osiguranje kvaliteta i izbor jednog člana koji će preuzeti dužnost umjesto razriješenog člana Upravnog odbora, materijal Privremene zajedničke komisije oba doma Parlamentarne skupštine BiH za provođenje procedure izbora četiri člana Upravnog odbora Agencije za razvoj visokog obrazovanja i osiguranje kvaliteta, broj: 01,02-34-1-2428/23 od 21. 11. 2023.**

Predsjedavajući Doma naroda otvorio je raspravu o ovoj tački dnevnog reda.  
Diskutirao je Džemal Smajić.

Dom naroda je (prisutno 13 delegata), s 9 glasova „za“ i 4 „protiv“ (iz Federacije BiH pet „za“ i četiri „protiv“, iz Republike Srpske četiri „za“), za članove Upravnog odbora Agencije za razvoj visokog obrazovanja i osiguranje kvaliteta imenovao: Nenada Ponorca, Dženitu Ljucu i Ivu Čolaka, te Vedada Smailagića koji će preuzeti dužnost umjesto razriješenog člana Upravnog odbora.

**Ad.8. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisnog odbora za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, broj: 01,02-34-1-2607/23 d 13. 12. 2023.**

Predsjedavajući Doma naroda otvorio je raspravu o ovoj tački dnevnog reda.  
Nije bilo delegata prijavljenih za raspravu.

Dom naroda je (prisutno 13 delegata), jednoglasno (iz Federacije BiH devet „za“, iz Republike Srpske četiri „za“), usvojio Zaključak o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisnog odbora za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili

međunarodnim ugovorom čija je potpisnica BiH ili drugi sud u skladu sa zakonom BiH, te iz Doma naroda imenovao: Džemala Smajića, Zdenka Čosića i Snježanu Novaković-Bursać.

**Ad.9. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-34-1-2609/23 od 14. 12. 2023.**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je (prisutno 14 delegata), jednoglasno (iz Federacije BiH deset „za“, iz Republike Srpske četiri „za“), usvojio je Zaključak o osnivanju Privremene zajedničke komisije oba doma Parlamentarne skupštine BiH za provođenje procedure imenovanja jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, u koju su iz Doma naroda imenovani: Marina Pendeš, Sredoje Nović i Kemal Ademović.

Predsjedavajući je predložio objedinjavanje rasprave i izjašnjavanje o tačkama od 10. do 20, uključujući i tačku 20. dnevnog reda.

Dom naroda je (prisutno 14 delegata), jednoglasno (iz Federacije BiH deset „za“, iz Republike Srpske četiri „za“), prihvatio prijedlog za objedinjavanje rasprave i izjašnjavanje o tačkama od 10. do 20, uključujući i tačku 20. dnevnog reda.

Predsjedavajući Doma naroda otvorio je raspravu o ovim tačkama dnevnog reda.

Dom naroda je (prisutno 14 delegata), jednoglasno (iz Federacije BiH deset „za“, iz Republike Srpske četiri „za“), dao saglasnost za ratificiranje:

- Međunarodnog sporazuma između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u programu Unije pod nazivom Program jedinstvenog tržišta, broj: 01,02-21-1-2365/23 od 13. 11. 2023;

- Ugovora o grantu (Projekat Koridor 5c u Republici Srpskoj – Projekat obilaznica Doboj - Poddionica: Rudanka - Putnikovo Brdo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2449/23 od 24. 11. 2023;
- Ugovora o grantu (Projekat Koridor 5c u Federaciji BiH– Projekat obilaznica Doboj - Poddionica: Putnikovo Brdo - Medakovo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2561/23 od 11. 12. 2023;
- Sporazuma o zajmu (Programski zajam za razvojnu politiku zdravstvenih sektora u Bosni i Hercegovini) između Bosne i Hercegovine i Međunarodne banke za obnovu i razvoj (zajam broj: 94950-BA), broj: 01,02-21-1-2560/23 od 11. 12. 2023;
- Ugovora o finansiranju (Evropski fond za održivi razvoj – EFSD – Namjenski investicioni okvir 1) između Bosne i Hercegovine i Evropske investicione banke, Projekat: Vjetroelektrana Vlašić (FI No 91.812 – SERAPIS 2019-0843), broj: 01,02-21-1-2575/23 od 12. 12. 2023;
- Amandmana broj 4 na Ugovor o finansiranju zaključen između Bosne i Hercegovine (zajmoprimac), Republike Srpske (entitet) i Evropske investicione banke (banka) dana 22. septembra 2010. s naknadnim povremenim izmjenama (FI 25.741 – SERAPIS 2008-0556) - Vodovod i kanalizacija u Republici Srpskoj, broj: 01,02-21-1-2576/22, od 12. 12. 2023;
- Amandmana na Sporazum o zajmu (Dodatno finansiranje za projekat registracije nekretnina) između Bosne i Hercegovine i Međunarodne banke za obnovu i razvoj (kredit br. 9048-BA), broj: 01,02-21-1-2577/23 od 12. 12. 2023;
- Amandmana na Sporazum o zajmu između Bosne i Hercegovine (zajmoprimac) i Međunarodne banke za obnovu i razvoj (banka) – Projekat restrukturiranja željeznica Republike Srpske – zajam br. 8808-BA, broj: 01,02-21-1-2578/23 od 12. 12. 2023;
- Sporazuma o zajmu (Projekat unapređenja kvaliteta zraka) između Bosne i Hercegovine i Međunarodne banke za obnovu i razvoj, broj: 01,02-21-1-2629/23 od 15. 12. 2023;

- Sporazuma o finansiranju Programa aktivnosti prekogranične saradnje Bosna i Hercegovina – Crna Gora za period 2021 – 2027. godina između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Vlade Crne Gore, koju predstavlja Kancelarija za evropske integracije, broj: 01,02-21-1-2640/23 od 18. 12. 2023;
- Sporazuma o finansiranju Programa aktivnosti prekogranične saradnje Bosna i Hercegovina - Srbija za period 2021-2027. godina između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Vlade Republike Srbije, koju predstavlja Ministarstvo za evropske integracije, broj: 01,02-21-1-2644/23 od 19. 12. 2023.

Sjednica je završena u 14.20 sati.

Sastavni dio Zapisnika je neautorizirani transkript 12. sjednice Doma naroda Parlamentarne skupštine BiH.

**SEKRETARKA**  
**DOMA NARODA**  
Gordana Živković

**PREDSJEDAVAJUĆI**  
**DOMA NARODA**  
Kemal Ademović